

古

今

譚

槩

汰侈部第十四目錄

杜邠公

李昱

虞孝仁

人抱甕

孫狔

宋景文 計二條

金蓮盆

索銀盆鹽沈

蔡太師厨中人

厨娘

小四海

大餅

大卵大饅頭

吳饌

李後主姬

錫國忠妓

燭圍

唾壺 計三條

肉雙陸

嚴氏溺器

淫簪

諸葛昂

鍊炭

王黼

四畫

汰侈部

子猶曰、余稽之上志、所稱驕奢淫佚、無如石太尉矣、而後觀河間、猶謂不恨我不見石崇、恨石崇不見我、章武貪暴多財、一見河間、歎羨不覺成疾、還家臥三日不能起、人之侈心、豈有攸底哉、自非茂德、鮮克令終、金谷沙場、河間佛寺、指點而嗟咨者、又何多也、一曰爲歎、萬年爲笑、集汰侈第十四、

○杜邠公

杜邠公、厚自奉養、常言平生不稱意有三事、其一、爲

澧州刺史其二貶司農卿其三自西川移鎮廣陵舟次瞿塘爲駭浪所驚呼喚不服渴甚自潑湯茶喫也

按邵公出入將相未嘗薦一幽隱時號爲秃角犀
蒞藩鎮不斷一獄囚無輕重任其殍殍人有從劍門
拾得裹漆器文書乃成都具獄案牘朝廷將富貴作
此等人那得不亂

○李異

李異事前後蜀五十年資貨巨萬奢侈踰度妓妾數百
嘗讀王凱石崇傳罵爲窮儉乞兒

此等乞兒恐難爲布施財主

○虞孝仁

隋虞孝仁性奢侈伐遼之役以駱駝負函盛水養魚以自給

○人抱甕

羊琇冬月釀常令人抱甕須臾復易人酒速成而味好

○蒸狍

武帝食王武子家蒸狍肥美異常怪而問之答曰以人乳飲狍帝甚不平不畢食便去

抱兒無用、殆有甚者、武帝自不悟耳、

○宋景文

宋景文好設重幕、內列寶炬、歌舞相繼、坐客忘疲、但覺漏長、啓幕視之、已是二宿、

按子京爲翰林時、晏相元獻愛其才、欲旦夕相見、遂稅一第於旁近、延居之、遇中秋、啓晏召宋、出妓飲酒、賦詩達旦、方罷、翌日晏罷相、宋當草詞、極其醜詆、方揮毫之際、餘醪猶在、觀者殊駭、以爲薄德、則宋之爲人可知矣、其好客亦如屠沽兒、團飲豈真能致客哉、

宋郊居政府上元夜讀周易第學士宋祁點華燈擁歌
妓醉飲達旦翌日郊令人云相公寄語學士聞昨夜燒
燈夜宴窮極奢侈不知記得那年上元同在州學喫齋
糗飯否祁答曰寄語相公不知那年在州學喫齋糗飯
爲甚的

原來只爲這箇可數可數

○金蓮盆

段文昌富貴後打金蓮盆盛水濯足或規之答曰人生
幾何要酬生平不足也

○索銀盆盥洗

寧庶人宸濠既就擒、拘宿公館、以銅盆與盥洗、怒曰、縱
乏金盆、獨無銀者耶、其習於奢侈如此、

○蔡太師厨中人

宋時一士夫、京中買一妾、自言蔡太師府厨中人、命作
包子、辭以不能、詰之曰、既是厨中人、何曰不能、妾曰、妾
乃包子厨中、縷葱絲者、曾無疑、乃用益公門下士也、有
妾之作誌銘者、無疑、援此事為辭、曰、某於益公之門、乃
包子厨中、縷葱絲者也、豈能作包子哉、

○厨娘

中都下戶每生女、則愛護如捧璧、甫長成、則隨其姿質、教以藝業、用備士大夫採擇、其名目不一、有所謂身邊人、本事人、供過人、鍼線人、堂前人、襦刺人、拆洗人、琴童、棋童、厨娘等項、就中厨娘最爲下色、然非極富貴之家、必不可用、寶祐中有太守某者、奮身寒素、不效儒風、偶奉祀、居里、飲饌粗率、忽念昔畱某官處、庖膳出京都厨娘、調羹極可口、有便介如京、謾作承受人書、托以物色、費不屑較、未幾、承受人復書曰、得之矣、其人年可二十

餘、近回自府第、有容藝、能書算、且夕、遣以詣直、不旬月、果至、初憩五里時、遣脚夫先申款來、乃其親筆也、字畫端楷、歷序慶幸、卽日伏侍左右、未乞以四輪接取、庶成體面、辭甚委曲、殆非庸女子可及、守爲之破顏、及入門、客止循雅、翠襖紅裙、恭視左右、乃退、守大過所望、少選、親朋集賀、厨娘亦遽致試厨之請、守曰、未可展會、明日且具常食、厨娘請食菜品資次、守書以示之、厨娘謹奉旨、舉筆硯具物料、內羊頭簽五分、各用羊首十籠、蔥薑五搥、合用五十觔、他物稱是、守固疑其妄、然未欲遽示

以儉鄙姑從之、而密覘其所用、翌旦、厨娘發行奩、取銅
銚、孟杓、湯盤之屬、令小婢先捧以行、燦爛耀目、皆黃白
所爲、大約已該五七十金、至如刀砧、襍器、亦一一精銳、
旁觀者噴然、厨娘更圍襖、圍裙、銀索板膊、掉臂而入、據
坐胡牀、徐起、切抹批爨、方正慣熟、條理精通、真有運斤
成風之勢、其治羊頭、灑置几上、剔留臉肉、餘悉擲之地、
衆問其故、厨娘曰、此皆非貴人所食矣、衆爲拾頓他所、
厨娘笑曰、汝輩真狗子也、衆雖怒、無語以答、其治葱薑、
取葱輒微過湯沸、悉去鬚葉、視櫟之大小、分寸而裁、截

之、又、除、其、外、數、重、取、心、條、之、細、似、養、之、黃、者、以、淡、酒、醃、
浸、漬、餘、棄、不、惜、凡、所、供、備、馨、香、脆、美、濟、楚、細、膩、難、以、盡、
其、形、容、食、者、舉、筋、無、餘、俱、各、相、顧、稱、好、既、撤、席、厨、娘、整、
襟、再、拜、曰、此、日、試、風、幸、中、各、意、後、須、照、例、支、犒、守、方、檢、
例、厨、娘、曰、豈、非、待、檢、例、耶、探、囊、取、數、幅、紙、以、呈、上、曰、是、
昨、在、某、官、處、所、得、支、賜、判、單、也、守、視、之、其、例、每、展、會、支、
賜、或、至、三、二、百、千、守、破、慙、勉、從、私、歎、曰、吾、輩、力、薄、此、等、
厨、娘、不、宜、常、用、不、兩、月、託、故、遣、還、

孫承祜嘗饌客指其盤筵曰今日坐中南之蛤蚧北之紅羊東之鯪魚西之棗栗無不畢備可謂富有小四海矣

○大餅

王蜀時有趙雄武者累典名郡精於飲饌又能造大餅每三斗麪擗一枚大於數間屋或豪家廣席輒請獻一枚剖用之猶有餘其方不傳衆因號爲趙大餅

○大卵大饅頭

正德時守備中貴人競爲奢靡有取雞卵或鷄鴨卵破

之不知何術、分黃白、而以牛胞刮淨、裹其外、約斗許大、熟而獻客、曰、此駝鳥卵也、又作饅頭大於斗、蒸熟而富、席破之中、有二百許小饅頭、各有餡而皆熟、朝野異聞

○吳饌

張江陵相公奔喪歸、所坐步輦、則真定守錢普創以供奉者、前爲重軒、後寢室、以便偃息、傍翼兩廡、廡各一童子立而左右侍、爲揮篲炷香、凡用卒三十二、昇之、始所過州邑郵、牙盤上食、水陸過百品、居正猶以爲無下箸處、而真守無錫人、獨能爲吳饌、居正甘之曰、吾行路至

此僅得一飽餐。此語聞於是吳中之善爲庖者。召募殆盡。皆得善價。

○李後主

宋時江南平。大將獲李後主。寵姬見燈。輒閉目。云煙氣易以臘燭。亦閉目。云煙氣愈甚。曰。然則宮中未嘗點燭耶。云宮中本闕。每至夜。則懸大珠。光照一室。如日中。觀此。則李氏之豪侈可知矣。

○○楊國忠妓

楊國忠凡有客設酒。令妓女各執其事。號肉臺盤。冬月。

令妓女圍之、號肉屏風、又選妾肥大者於前遮風謂之肉障肉陣。

孫晟每食不設几案、使衆妓各執一器環立、亦號肉臺盤、杭州別駕杜馴亦有肉屏風事。

○燭圍

封涉家宴、使羣婢各執一燭、四面行立、呼爲燭圍。長安後記唐寧王燈婢、申王燭奴、皆刻香木爲之、章爲侈矣。

○唾壺

符朗常與朝士宴、時賢竝用唾壺、朗欲夸之、使小兒跪

而張口、唾而舍出、

朗善識味、或殺雞以食之、朗曰、此雞棲恒半露、問之、如其言、又食鶩炙、知白黑之處、或試而記之、無毫釐之差、亦異人也、

南宋謝景仁

裕

性整潔、每唾、輒唾左右人衣、事畢、卽聽一日游濯、每欲唾、左右爭來受之、

嚴世蕃吐唾、皆笑婢以口承之、方發聲、婢口已巧就、謂曰香唾孟、

○肉雙陸

尚書王天華取嫗世養用錦扇織成點位曰雙陸圖別
飾美人三十二永業綳素各半曰肉雙陸以選每對打
美人聞聲該在某點位則自趨站之世蕃但一試便不
復用

○○嚴氏溺器

嚴分宜父子溺器皆用金銀鑄婦人而空其中勢面採
承○以○陰○受○溺○

○○淫簪

嚴氏籍溪時郡司某奉臺使檄往見榻下堆素新白綾

汗巾無數、不省其故、袖其一、出以咨衆、有知者掩口曰、此穢巾、每與婦人合、輒棄其一、歲終數之、爲淫籌焉。

○諸葛昂

隋末、涿州諸葛昂、性豪俠、渤海高瓚聞而造之、爲設雞肫而已、瓚小其用、明日大設、屈昂客數十人、烹猪羊等、長八尺盤作酒盃行巡、自爲金剛舞以送之、昂至後日、屈瓚客數百人、大設、車行酒、馬行炙、挫確斬膾、磑轉蒜、韭、唱夜叉歌、假子舞、瓚明日殺一奴子十餘歲、呈其頭、顛手足、座客皆攫喉而吐之、昂後日報設、先令愛妾行。

酒、妾無故笑、昂叱下、須臾蒸此妾、坐銀盤、仍飾以脂粉、衣以綾羅、遂擘脇肉以啖、璫諸客皆掩目、昂於姝房間、撮肥肉食之、盡餉而止、璫羞之、夜遁去、昂後遭離亂、在賊來求金寶、無可給、縛於椽上、炙殺之、

○○鍊炭

乾符中、有李使君出牧罷歸、深感一貴家舊恩、欲召諸子從容、托敬愛寺僧聖剛者致之、僧極言其奢侈、常饌必以炭炊、恐不愜意、李曰、若象隨猩唇、或未能致、他非所患也、於是擇日邀致、備極豐潔、諸子遇脩羞、畧不入

口主人揖之再三。惟沽果實而已。及設餐。俱置一匙於口。各攢眉相盼。有似嚼藥。李不能解。但以失飪爲謝。明日托僧往質其故。言燔炙煎和俱未得法。僧曰。他物縱不可食。餐出炭炊。又何嫌。乃曰。凡炭必煖令熟。謂之鍊炭。方可入爨。不然。猶帶煙氣。僧拊掌曰。此則非貧道所知矣。及巢寇陷洛。昆弟與僧同竄山谷。餓至三日。賊鋒稍遠。出河橋。見小店有脫粟飯。僧傾囊中錢買於土杯同食。甚覺甘美。僧笑曰。此非鍊炭所炊。皆低頭慚嘿。

○王徽

王黼宅與一寺爲鄰。有一僧。每日在黼宅溝中取流山雪色飯顆。漉出洗淨曬乾。不知幾年。積成一囤。靖康城破。黼宅骨肉絕食。此僧卽用所囤之米。復用水浸蒸熟。送入黼宅。老幼賴之無饑。

若無溝中飯。早作溝中瘠。此又是奢侈人得便宜處。

○四盡

梁魚弘。襄陽人。常言我爲郡。有四盡。水中魚鱉盡。山中麋鹿盡。田中米穀盡。村里人庶盡。

汰侈部 終

貪穢部第十五目錄

如意

計三條

舍利

抱雞養竹

賣糞天子

婢擔糞

鬻水

假子猷

錢富酒

偷鞋刺史

匿金叵羅

銀佛

獻羅漢

盜偽輦

科錢造像

取油客子金

張鷟鷟

贖命

張趙徵錢名

人鬚筆

負絹布 計二條

利賜予

利賜給

一門貪鄙

裴佶姑夫

元誕不貪

尉景

壯觀牧愛

菜瓮

麻鞋一屋

錢癆

不動尊

欺心報

死友

太倉庫偷兒

神仙酒

古物

銅臭

貪位

附
計三條

貪穢部

子猶曰、人生於財、死於財、榮辱於財、無錢對菊、彭澤令亦當敗興、儻孔氏絕糧而死、還稱大聖人否、無怪乎世俗之營營矣、究竟人壽幾何、一生喫着、亦自有限、到散場時、毫釐將不去、只落得子孫爭嚷、多眼淚、少死而無知、直是在却、如其有知、懊悔又不知如何也、吾蘇陸念先應徐少宰記室聘、比就館、絕不作一字、徐無如何、乃爲道地遊塞上、抵大帥某、以三十鎰爲壽、旣去、戟門陸對金大勸曰、以汝故獲禍者多矣、

吾何用汝爲。卽投之澗水中。人笑其癡。孰知正爲癡人說法乎。集貪穢第十五。

○如意

風俗通云。齊人有女。二家同往求之。東家子醜而富。西家子好而貧。父母不能決。使其女偏袒示意。女便兩袒。母問其故。答曰。欲東家食。西家宿。

昔有四人言志。一云。吾願腰纏萬貫。一云。願爲揚州刺史。一云。願跨鶴仙遊。末一人云。吾志亦與諸君不殊。但願腰纏十萬貫。騎鶴上揚州耳。故坡仙題竹云。

若對此君仍大噉。世間那有揚州鶴。余觀今人口譚
賢聖。眈眈窺權要之津。手握牙籌。沾沾博慷慨之譽。
情農望歲。敗子怨天。大率此類也。何獨笑齊女哉。
衡公岳知慶陽僚友諸婦會飲。金綺爛然。公內子荆
布而已。既罷。頗不樂。公曰。汝坐何處。曰。首席。公曰。既
坐首席。又要服華美。富貴可兼得耶。斯乃知足者。

歸田錄云。國初通判常與知州爭權。每云。我是郡監。有
錢昆者。浙人。嗜蟹。常求補外。曰。但得有蟹。無通判處。則
可。東坡詩云。欲問君王乞符竹。但憂無蟹有監州。

同舍生劉垂、有口才、曾號虛空錦、說他日得志事、曰、有錢、當作五窟堂、吳香窟、盡種梅花、秦香窟、周懸射牘、越香窟、植嘉桂、蜀香窟、栽椒、楚香窟、畦蘭、四時草木、各占一時、予日入麝窟、便足了一生、死且爲香鬼、況於生乎、其後仕而貪財、不副心而卒、

○舍利

張虔、剡鎮滄州人、因旱、民饑、發廩賑之、方上聞、帝甚嘉獎、他日秋成、倍斗徵歛、朝野鄙之、在蜀、問一禪僧云、如何是舍利、對曰、利置儼居、卽得舍利、張但慚笑、

○○抱雞養竹

廣記唐新昌縣令夏侯彪之初下車問里正曰雞卵一錢幾顆曰三顆彪之乃遣取十千錢令買三萬顆謂里正曰未便要且寄雞母抱之遂成三萬頭雞經數月長成令縣吏與我賣一雞三十錢半年之間成三十萬又問竹筍一錢幾莖曰五莖又取十千錢付之買得五萬莖謂里正曰吾未須筍且林中養之至秋竹成一莖十文積成五十萬其貪鄙不道皆此類

離浪載太守羅姓者官江右以舊絲及銅鐵照勛數

發出、易人網巾、鋼鍼、智與此類、

○賣糞天子

唐少府監裴舒、奏請賣馬糞、計歲得錢二十萬緡、劉仁
軌曰、恐後代稱唐家賣馬糞、非佳名也、乃止、

○婢擔糞

王夷甫妻郭氏貪、令婢路上擔糞、王平子年十四五、諫
之、郭怒曰、夫人以小郎囑新婦、不以新婦屬小郎、捉澄
衣裾、將與杖、平子力爭得脫、

○驚水

前燕太傅慕容評屯兵潞川以拒王猛鄆固山泉驚水
與軍入絹一疋得水二石積錢帛如山士卒怨憤而敗
兵家列營先擇水草便地豈奇貨可居耶若水從耿
恭井中出價富更倍

○假子猷

解賓王作利漕將代還凡有行衙所在竹皆伐賣之時
人呼爲假子猷

解假
同音

○錢當酒

蘇五奴妻善歌舞亦有姿色有邀請其妻者五奴輒隨

之人欲醉五奴以狎其妻多勸之酒五奴曰但多與我錢雖喫飽亦醉不須酒也

○偷鞋刺史

鄧仁凱性貪穢嘗爲密州刺史家奴告以鞋敝卽呼吏新鞋者令之上樹摘果俾奴竊其鞋而去吏訴之仁凱曰刺史不是守鞋人

○匿金叵羅

魏神武帝宴僚屬於坐失金叵羅寶太后令飲者皆脫帽果在祖孝徵髻中見者以爲深耻孝徵怡然自若又

孝徵飲司馬世雲家、藏銅壘三面、爲厨人抄出、

吳下莫生學室、亦有竊疾、爲張伯起家狎客、一日忽言疝氣痛不可忍、少臥便起、曲腰蹣跚而出、張疑之、使童子檢視、已失古銅爐矣、張不言、明日詣別業召莫、莫至、言疾愈、張取其所簪銀挖耳玩之、佯稱好、命童付銀工看樣、而密授以意、童逕往莫家、語其妻曰、汝家官人云、有一古銅爐欲貨、命吾來取、以挖耳爲信、妻不疑、取爐相授、張得爐、命別置他室案上、而徐引步入、莫見爐、張目曰、汝足亦能行耶、恬不爲怪、

○銀佛

張林奏毀佛寺、有蘇監察者、檢天下廢寺、凡銀佛一尺以下、多袖歸、人號蘇扛佛、溫庭筠笑曰、好對蜜陀僧。

○獻羅漢

曹翰下江南日、盡取其金帛寶貨、連百餘舟、私盜以歸、無以爲名、乃取廬山東林寺羅漢、每舟載十餘尊、獻之、詔賜相國寺、時謂之押扛羅漢。

子孫爲乞丐時、百餘舟安在。

○盜偽輦

王鎮惡性貪既破姚泓盜取府庫無算劉裕念其功不問又盜泓偽輦裕驚使人覘之鎮惡剔取其金銀棄輦於垣側裕大笑

○科錢造像

唐瀛州饒陽縣令竇知範貪污有一里正死範集里正二百人爲之造像各科錢一貫既納錢二百千範曰里正地下受罪先須救急我先造得一像且以貸之於袖中出像僅五寸許

此令乃化緣和尚現宰官身者。

○○取油客子金

蜀簡州刺史安重鵬、贖貨無厭、州民有油客子者、姓鄧、能基、其力麤贍、安召與對敵、只令立侍、每落子、俾其退、立於西北牖下、俟我算路、乃進、終日不下十數子而已、鄧生久立、饑倦不堪、次日又召、或諷鄧生曰、此侯賄、本不爲基、何不獻効而自求退、鄧生然之、以中金數鉅、獲免。

○張鷟驚鷲

開寶中、神泉縣令張某、外廉而內實貪、一日自榜縣門

云、某月某日、是知縣生日、告示門內典級諸色人不得
輒有獻送、有一曹吏與衆議曰、宰君明言生日、意令我
輩知也、言不得獻送、是謀也、衆曰、然、至日各持緣獻之、
命曰壽衣、宰一無所拒、感領而已、復告之曰、後月某日
是縣君生日、更莫將來、無不喝者、衆進士以驚驚詩諷
之云、飛來疑似鶴、下處却尋魚、

○贖命

北齊和士開見人將就戮、多所營救、得免、卽責其珍寶、
謂之贖命物、

人。僅。有。寧。會。命。不。舍。錢。者。和。未。免。乾。折。人。情。

○○張趙徵錢名

唐宋遺史。張崇帥廬州。不法。民苦之。既入覲。人謂渠伊。必不來。後還。徵渠伊錢。人不敢言。但將鬚而已。崇又徵。將鬚錢。五代史補。趙在禮自采石移永興。人曰。眼中拔。却釘矣。後在禮還任。每日徵拔釘錢。

○人鬚筆

嶺南兇。不嘗有。郡牧得其皮。使工人削筆。醉失之。大懼。因剪已鬚爲筆。甚善。更使爲之。工者辭焉。詰其由。因實。

對遂下令使一戶輸人絹不能致輒責其直

○負絹布

後魏胡太后幸藏庫見布絹充盈恣從官所取唯章武王融與陳留侯李崇負絹過任遂至顛仆崇傷腰融損足太后使侍者奪其絹令其空出時人笑焉

燕宋該性貪太祖欲厭其貪賜布百疋令自負歸重不能勝乃至僵項

凡人財帛官亦有天限人但知多負者力過則蹶而不知多藏者禍過則絕也

○○利賜予

南漢閩蜀皆稱帝。高從誨利其賜予。所向稱臣。諸國賤之。謂之高無賴。

所向稱臣。如乞兒叫老爹奶奶。便不直錢。

○○利賂給

宋張瑄使契丹。老病強行。故事死於使者。本朝及北朝。賂給甚厚。瑄利之。在道日食生冷。求病死。卒不死。此等性命。方是直錢。失此好機會。未免入枉死城中。

○一門貪鄙

唐崔湜爲吏部侍郎、貪縱、兄憑弟力、父挾子威、咸受囑求、贓污狼籍、父挾爲司業、受選人錢、湜不知也、長名放之、其人訴曰、公親將賂夫、何不與官、湜曰、所親爲誰、吾捉取鞭殺、曰、鞭卽遭憂、湜大怒慚、

○裴佖姑夫

唐裴佖嘗話少時、姑夫爲朝官、有雅望、佖至宅、會其退朝、深歎曰、崔照何人、衆口稱美、必行賄也、如此安得不亂、言未訖、門者報壽州崔使君候謁、姑夫怒、呵門者將鞭之、良久、束帶強見、須臾、命茶甚急、又命酒饌、又命秣

爲飯。信姑曰：何前僞而後恭？及入門，有德色。揖信曰：慈學中，信未下階，出懷中一紙，乃贈官緇千匹。

○元誕不貪

元誕爲齊州刺史，在州貪暴，有沙門爲誕採藥還，誕曰：師從外來，有何得？對曰：唯聞王貪，願王早代。誕曰：齊州七萬家，吾每家未得三升錢，何得言貪？

○尉景

北齊尉景性貪，庫狄干與景在神武坐，請作御史中尉。神武曰：何意下求卑官？干曰：欲捉尉景。神武大笑，令優

者石董桶戲之、董桶制景永曰、公制百姓、董桶何爲不制公。

○壯觀牧愛

正德中、陳民望爲黃州守、更新譙樓、榜以壯觀二字、同知王卿陝人也、頗有清譽、指題謂鄧震卿曰、何名壯觀、自我西音、乃賊官也、相與一笑、又紹興府有扁云、牧愛、戚編脩謂時守曰、此扁可撤去、自下望之、乃牧愛字耳、牧愛壯觀、是的對。

○菜羹

聶豹字文蔚、永豐人、好講陽明之學、而天性貪狹、爲蘇州時、納賄無算、嘗封金於篋、爲李通判所見、佯云以萊寄父、李曰、拙妻正思萊、遂取十二瓶去、豹不敢問、還、虧曾講學、故不敢與李通判爭競。

○麻鞋一屋

顏氏家訓、鄴下一領軍、貪甚、及籍沒、麻鞋亦滿一屋。

○錢癆

嚴相嵩父子聚賄滿百萬、輒置酒一高會、凡五高會矣、而漁獵猶不止、京師名之曰錢癆。

○不動尊

劉宜武鑄錢爲算子。子薄遊妓家。妓求釵奩。劉子解之。
姥曰。君家庫中青銅。號爲不動尊。可惜朽爛。劉子云。吾
父。喚算子作長生錢。况錢乎。彼日燒香。請祝天地。要錢
生兒。稱生孫。金銀千百億化身。豈止不動尊而已。

○欺心報

耳譚李士衡奉使高麗。武人余英副焉。所得禮幣及諸
贈遺。士衡皆不關意。余英慮船漏。以士衡之物籍船底。
已物置其上。無何。遇大風。船幾覆。舟人請減所載。倉忙。

不暇據擇信手拈出棄之中流舟始定蓋皆余英物也

○死友

耳譚孝感縣民劉尚賢張明時二人約爲死友實以利
合也偶夜行見火燐燐識其地掘之見銀筍蠱起二人
大喜謂宜具牲醴祭禱然後鑿取劉已置毒蓋中令張
服之張亦腰斧而來乘醉擊劉死而不知已已中毒也
兩人者皆死其家人往視銀筍濯濯無跡萬曆乙未年
事

○太倉庫偷兒

太倉庫於萬曆戊戌中有僉兒從水竇中入竇隘攢以首無完膚矣亦得一大寶置頂際如前出至寶之半不意復有僉兒入俱不能退兩頂相抵稿死而寶在其中久之擁水不流治漬始見見邸報

○神仙酒

稽園浙東桐廬縣舊有酒井相傳有道人詣一酒肆中取飲飲畢輒去釀家亦不索直久之道人謂主媼曰數費媼酒無以報有少藥投井中可不釀而得美酒乃從蕪鼓中瀉出藥二丸色黃而堅如龍眼大投井中而去

明日井泉騰沸、挹之皆甘醴、香味逾於造者、俗呼爲神
仙酒、其家用此致富、凡三十年、而道人復來、闔門敬禮、
道人從容問曰、君家自有此井以來、所入于錢幾何、主
媼曰、酒則美矣、奈乏糟粕飼豬、亦一欠事、道人歎息、以
手探井中、藥卽躍出、置漁鼓中、井復如舊

○古物

江夏王義恭、性愛古物、常通就朝士求之、侍中何晏已
有所送、而徵索不已、何意不平、嘗出行道中、見狗枷敗
積、鼻命僕取歸、飾以箱、送之、媿曰、承復需古物、今奉李

斯狗相如情臭

○銅臭

崔烈入錢五百萬爲司徒及辭帝帝曰悔不少斲可至千萬子均字孔平亦有時名烈問均曰我作公天下謂何如對曰大人少有高名不謂不當爲公但海內嫌其銅臭

○貪位

夏侯嘉正性貪常言若能見水銀成銀一錢知制誥一
日死亦無恨

則天時夏官侍郎侯知一、以年老數令致仕、知一乃詣
朝堂跳躍馳走、以示輕捷、時謂不伏致仕。

朝野僉載、滕王爲隆州刺史、多不法、叅軍裴韋諫止之、
王怒、令左右搢搦、他日韋入計、具訴於帝、帝問韋曾被
幾搢、韋曰、前後八搢、卽令遷八階、韋歸歎曰、何其命薄、
若言九搢、當入五品矣、聞者哂之、號八搢將軍。

驚忍部第十六目錄

以人命戲

計四條

水獄

剖視腸腹

計二條

佳射的

針

吞鱸

試荆

食斃杖左右

弔民伐罪

周興

計二條

肉雷

肉鼓吹

發基瀝血

殺婢妾

計二條

一瓜殺三妻

兇僧

符生

食人 計三條

食人膽

生食人耳

勇士相啖

汲桑

高昂

李凝道 以下下急

皇甫湜

穆寧

石虎

王述

王恩

陳都憲事 計二條

豐南陽事 計二條

斬石人 罵伍胥

王君廓 以下急候

郭崇韜

投淵

碎碑

范廷召

獨步來

念徽樂

截腸

塞制

以下神勇

杜伏威

任城王

以下絕力

桓石虔

羊侃

彭博通等

計三條

驚忍部

下急念嫉勇力附

子猶曰、人有恒言曰貪酷、貪猶有爲爲之也、酷何利
馬、其性乎、其性乎、非獨忍人、亦自忍也、嘗聞嘉靖間、
一勦戚子好殺豬、日市數百豬、使屠者臨池宰割、因
而觀之、以爲笑樂、又吾里中一童子、見狗屠縛狗、方
舉棍、急探袖中錢贈之曰、以此爲酒資、須讓此一棍、
與我打、自非性與人殊、奚其然、集驚忍第十六

○○以人命戲

漢書江都王建專爲淫虐、游章臺宮、令四女子乘小舫

建以足蹈覆其船、四人皆溺、二人死、後游雷波、天大風、
建使郎二人乘小船入波中、船覆、兩郎溺、攀船乍見乍
沒、建臨觀大笑、令勿救、宮人姬八子姬妾有過、輒令羸
立擊鼓、或置樹上、久者三十日、乃得衣、或縱狼令齧殺
之、建觀而大笑、又欲令人與禽獸交而生子、強令宮人
羸而四據、與羝羊及狗交、

北齊文宣淫暴、楊愔雖宰相、每使進廁簪、又嘗置愔棺
中、載以輜車、幾下釘者數四、每視朝、羣臣多無故行誅
乃簡取罪人隨駕、號爲供御囚、手自刃殺、持以爲戲、

時有都督戰傷其什長路暉，體不能救。帝命剗其五臟，使九人分食之。肉及穢惡皆盡。

齊主問南陽王綽在州何事最樂，對曰：「多聚蠅於皿器，置俎其中，觀之極樂。」帝卽命索蠅一斗，置浴斛，使人裸臥斛中，呼號宛轉。帝與綽喜噱不已。因讓綽曰：「如此樂事，何不馳驛奏聞？」

唐成王千里使嶺南，取大蛇長八九尺，以繩縛口，橫於門限之下。州縣叅謁，呼令入門，忽踏蛇，驚惶僵仆。被蛇繞數匝，良久解之，以爲戲笑。又取龜及龍，令人脫衣，縱

龜等啗其體終不肯放死而後已其人痛號欲絕王與
姬妾共看以爲玩樂然後以竹刺龜鼈口或用艾炙背
乃得放人被驚者皆失魂至死不平復矣

○水獄

漢主龔聚毒蛇水中以罪人投謂之水獄

○剖視腸腹

閩主曦謂學士周維岳曰岳身甚小何飲酒之多左右
曰酒有別腸不必長大曦欣然命梓維岳下殿欲剖視
其酒腸或曰殺岳無能侍陛下劇飲者乃舍之

宋後廢帝好殺遊擊將軍孫超有蒜氣剖腹視之

○佳射的

齊高帝爲宋中領軍蒼梧直入府時暑熱帝袒裼蒼梧
直帝腹爲射的自射之王天恩曰領軍腹大是佳射的
一箭便死後無復射不如以電箭射之

○針

典論劉表設大針於杖端客有被酒刺之以驗醉醒晉
史武帝太子惡舍人杜錫亮直置針於錫坐璽中刺之
流血語云如坐
針璽本此

○吞鱸

梁邵陵王綸爲南徐州刺史嘗微服遊市里問賣鱸者
曰刺史何如答言躁虐綸怒令吞鱸以死

○○試荆

隋燕榮爲幽州總管道次見叢荆堪爲笞箠取以試人
人自陳無罪榮曰後有罪當免及後犯細過將撻之人
曰前許見宥榮曰無過尚爾况有過乎榜捶如初

○食鼈杖左右

隋崔弘度爲太僕卿嘗戒左右曰無得誑我後因食鼈

問侍者曰、美乎、曰、美、弘度曰、汝不食、安知其美、皆杖焉、
長安語曰、寧食三斗醋、不見崔弘度、

○弔民伐罪

周瀛州刺史獨孤莊酷虐、有賊問不承、莊引前曰、若健
兒也、能吐、且釋汝、賊竝吐之、有頃、莊曰、將我作具來、乃
一鑊、鉤長尺餘、甚利、以繩掛於樹間、謂賊曰、汝不聞健
兒鉤下死、今以脰鉤之、遣壯士掣其繩、則鉤出於腦矣、
謂司法曰、此法何如、答曰、弔民伐罪、深得其宜、莊大笑、
○○周興

周興性酷每法外立刑人號牛頭阿婆百姓怨謗興乃
勝門判曰被告之人問皆稱枉斬決之後咸息無言

周興有罪詔來俊臣鞠之俊臣方與興對食謂興曰因

多不承奈何興曰此易耳內因大甕中熾炭周之何事

不承俊臣命取熾熾炭徐起揖興曰有內狀推兄請入

甕南郭新書云二甕為左史俊臣黨受其足起

而復坐者三雖斷其頭似怒不息無何周興敗

陳錫玄曰薛文傑為閩王鐸造檻車謂古制疎闕乃

更其制令上下通中以鐵芒內向動輒觸之文傑首

被其毒文傑嘗詆殺吳英後因英盧多遜之貶朱崖

軍士憤怒即以檻車送之

也。李符白趙普請改竄春州。普不答。及符被貶。竟得春州。不浹旬死。語曰。張機者中於機。設檻者中於檻。作發之弊。豈獨一商君知悔耶。

○肉雷

來紹天稟驚忍。嘗宰邵陽。剗鐵繩千條。或有問不承。則急縛之。仍以其半搥手。往往委頓。每虐威一奮。百囚俱斷。轟響震驚。時號爲肉雷。

來紹乃唐酷吏俊臣之裔孫。誰謂善惡無種。

○○肉鼓吹

李匡達性忍、一日不斷刑則慘然不樂、嘗聞捶楚之聲、曰、此一部肉鼓吹也。

○發墓瀝血

梁豫章王侔、母吳淑媛、先侍齊東昏、及幸於武帝、七月而生侔、侔年十四五、頻夢一少年肥壯、自挈其首對侔、淑媛詢夢中形色、頗似東昏、爲言其故、侔乃私發東昏墓、出其骨、瀝血試之、骨溼有徵矣、在西州、生火累月餘、潛殺之、旣瘞、夜遣人發取其骨、又試之。

○殺婢妾

石太尉崇每邀宴集，令美人行酒，客飲不盡，使黃門斬美人。王丞相與大將軍常共訪崇，丞相素不能飲，輒自勉強，至於沉醉。至大將軍，故不飲，以觀其氣色。已斬三人，丞相勸教使盡，教曰：「彼自殺人，於我何與？」惡人遇惡人，只是婢妾悔氣。覺呂太后筵席殊散澆。

詩話：杜大中自行伍爲將，與物無情。西人呼爲杜大蟲。雖妻有過，以公杖杖之。有愛妾，才色俱絕。大中賤表，皆出其手。嘗作臨江仙詞，有彩鳳隨鴟之句。一日大中見之，怒曰：「鴟且打鳳，掌其面折項而斃。」

彩鳳隨鴛、鴛巢多矣、不識何以反怒、

○一瓜殺三妻

曹操宴諸官於水關、時盛夏、酒半酣、喚侍妾用玉盤進瓜、妾捧盤低頭以進、操問瓜熟否、對曰、極熟、操怒、斬之、坐客莫敢問故、操更呼別妾進瓜、羣妾皆驚、內一妾聽敎、遂整容而前、操問如初、對曰、不生、操怒、復斬之、再呼進瓜、無敢前者、一妾名蘭香、操所深昵、衆妾皆遜之、香乃擎盤齊眉而進、操問曰、瓜味如何、曰、甚甜、操大呼速斬之、坐客皆拜伏請罪、操曰、公安坐、聽訴其罪、前二妾

吾斬之者、久在承應、豈不知進瓜、必須齊眉而捧盤耶、
及答吾問、皆開口字、斬其愚也、蘭香來未久、極聰慧、高
捧其盤、是矣、復對以合口字、足知吾心、吾用兵之人、斬
之以絕其患、見花木考

○兇僧

僧慧林、談經吳門、村中有嬌婦、素佞佛、製禪履、餽之、僧
疑婦悅已、夜持刀踰垣而入、直逼婦榻、婦不從、斬婦頭、
及其一婢、復踰垣而去、適婦死之前一日、有族伯索遺
喪、與婦聞、鄰疑伯之殺婦也、訟於太倉丞陸楷、陸訊之

急遂誣服索其首不得苛掠不已伯之女方十四痛父甚乃自經屬父斷已首代之時婦已死月餘女首淋漓若生陸訊其故伯不得已以實對陸心悸遂發病夢有神告曰古剎慧林以其名訪之果談經僧也已逃矣遣捕密偵獲於鎮江自云已殺女子五十輩矣按其囊得婦首漆而與俱每興至則熟視其淫暴如此

○○符生

前秦符生

字長生，魏之第三子。

無一日七歲時祖洪戲之謂侍者

曰吾聞瞎兒一淚信乎侍者曰然生怒引佩刀自刺出

血曰此亦一淚也。洪大驚，鞭之。生曰：性耐刀槊，不堪鞭捶。後卽位，兇暴，時虎狼爲虐，不食六畜，專務食人。羣臣請讓之，生曰：野獸饑則食人，飽自當止，何讓之有？

○食人

朱粲有衆二十八萬，剽掠漢淮間，軍中乏食，教士卒烹婦人嬰兒噉之。曰：肉之美者無過於人，但使他人有人，何憂於餓？置揭磨寨，以人爲糧。及降唐，段確乘醉侮粲曰：聞卿好噉人，人作何味？粲曰：啖醉人，正如糟羹肉耳。遂殺確，烹食之。

唐張茂昭爲節鎮、頻喫人肉、及除虢軍到京、班中問曰、聞尚書在鎮、好食人肉、虛實、茂昭笑曰、人肉腥而且膩、爭堪喫。

靖康丙午歲、金狄亂華、六七年間、山東京西淮南等路、荆榛千里、米斗至數千錢、且不可得、盜賊官兵以至民、居更互相食、人肉之價、賤於犬豕、肥壯者一枚不過十五錢、全軀暴以爲膳、登州范溫率忠義之人汎海到錢塘、有持至行在充食、老瘦男子、謂之饒把火、婦人少女者、名之爲美羊、小兒呼爲和骨爛、又通目爲兩脚羊。

兵荒之慘。卽此三條。已不忍道。彼無識狂生。少不得志。輒拍几思亂。何哉。

○食人膽

五代趙思綰反。嘗言食人膽至千。剛勇無敵。每殺人。輒取膽以酒吞之。後爲郭從義所擒。

○生食人耳

宋王彥升俘獲胡人。置酒宴飲。以手裂其耳。咀嚼久之。徐引卮酒。俘者流血被面。痛楚叫號。彥升談笑自如。

○勇士相啖

呂氏春秋齊勇者一居東郭一居西郭塗遇而飲索肉
不得乃笑曰子肉也我肉也何別求肉爲因抽刀割肉
相贈啖之肉盡而死

○汲桑

汲桑盛暑中睡重裘累茵使十餘人扇不得涼斬扇者
軍中謠曰奴爲將軍何可羞六月重茵被狐裘不識寒
暑斷人頭

○高昂

高昂與鄭嚴祖握槊劉貴召嚴祖昂不時追柳其使使

曰。柳時易。脫時難。昂卽以刀就柳刻之。曰。何難之有。貴不敢校。

○李疑道

以下卞急

唐龍游令李疑道。福性。姊男纔七歲。故惜之。卽往逐。不遂。以餅誘得之。敲其胸背流血。

○皇甫湜

皇甫湜嘗命其子松錄詩數首。一字小誤。詆詈且躍。手杖不及。則嚙腕血流。嘗爲蜂螫手指。乃大躁。散錢與里中兒及奴輩。箕斂蜂窠。山聚於庭。命撻碎絞汁以酬其。

痛。

○ ○ 穆寧

唐穆寧爲刺史、其子已爲尚書給事、皆分直供饌、少不如意必遭笞杖、一日給事當直、出新意、以熊白鹿脯合而茹之、其美異常、寧食之、致飽、諸子咸美、以爲行有重賞、及食飽、仍杖之曰、如此佳味、何進之晚。

○ 石虎

石虎命太子遼總百揆、遼以事爲可呈、呈之、虎恚曰、此小事、何足呈、時有所不聞、虎復恚曰、何以不呈、誚責百

蟬月至再三，遠甚恨，遂謀逆。

○王遠

王藍田述，性急，嘗食雞子，以筋刺之，不得，便大怒，舉以擲地。雞子於地圓轉未止，仍下地以屐齒碾之，又不得，與甚，復於地取納口中，齧破，即吐之。

○王思

魏王思，爲司農，性急，嘗書，蠅集筆端，驅去復來，再三思自起，拔劒逐蠅，不得，取筆擲地踏壞之。

陳都憲事

都御史陳智性剛而躁、撻左右人無虛日、洗面時、用七人、二人攬衣、二人揭衣領、一人捧盤、一人捧漱水碗、一人執牙梳、稍不如意、便打一掌、至洗畢、鮮有不被其掌者、方靜坐、若左右行過、履有聲者、卽撻之、有相知勸以寬緩、乃置一木簡、刻戒暴怒三字於上、以示儆、及有忤之者、輒舉木簡撻之、無數。

陳都憲嘗坐堂、偶有蠅拂其面、卽怒叱、從者擒拏、從者紛然東奔西突、爲逐捕狀、少頃、俟其怒解、稟問拏何人、乃叱之曰、是蠅又嘗舐帽、取銀簪剔指甲、失墜於地、怒

而起坐、自拾簪、觸地、甃數次、方已、

○豐南隅事

鄆縣豐南隅坊、以建言有直聲、居鄉性最暴、朋友稍拂、意、卽命幹人、酖殺之、其人應命、必陰以告友、友卽僞爲中毒仆地、坊見之、必大笑、盡訴其胸中之怒、良久、命昇出、次日、此友復來、駭問所以不死狀、佯應曰、家中急、救得解、坊卽與歡好如初、亦不追詰、雖至厚之交、一歲必三四駭焉、

豐禮部嘗要沈明臣結忘年交、歲餘、人或惡之曰、是嘗

笑公文者卽大怒設醮誑之上帝凡三等云在世者宜
逮捕之死者下無間地獄勿令得人身一等皆公卿大
夫與有睚眦者二等文士布衣沈爲首三等則鼠蠅蚤
蝨蚊也

○斬石人 罵伍胥

劉子光出征道暘無水山南見一石人問何處有水石
人不答拔劍斬之須臾水出

吳郡王闓渡錢塘江遭風船欲覆闓拔劍砍水痛罵伍
胥風稍緩獲濟

○王君廓

以下忿嫉

王君廓往擊竇建德，將出戰，李靖逼之，君廓發憤大呼，目及鼻耳一時流血。

又是一位蘭相如。

相如叱秦王，日皆流血。

○○郭崇韜

郭崇韜素疾宦者，謂魏王繼岌曰：「大王他日得天下，驂馬亦不可乘之。」

○投淵

李賀有表兄，與賀有筆研之舊，恨賀傲忽，賀死，復詒取。

其鴉盡投湖中

○碎碑

乾符中、顏標典鄱陽郡鞠場、公字初構、請姚巖、條紀其事、文成、粲然千餘言、標欲刪去二字、巖條不從、標怒、時已刊石、命碎其碑

○范廷召

宋范廷召、惡飛鳥、見必射之、所居處、鳥必絕種、又最惡驢鳴、聞之輒爲擊殺

○獨步來

梁安成王蕭欽博雅擅文章吏部尚書柳信言差堪擬
敵○一○日○聞○伏○卒○賓○從○往○候○信○言○信○言○乃○屈○一○脚○跳○出○連○
解○曰○獨○步○來○獨○步○來○衆○賓○舞○蹈○爲○賀○

○忿撒樂

乾道中衆客赴郡宴妓樂甚盛一少年勇於見色甫就
席一客以有服辭固請撒樂少年忿然責之曰敗一席
之歡者爾也真所謂不自殞滅禍延過客者耶賓主開
堂

○截腸

塞劍

以下神勇

北齊彭樂與周文決戰被刺。腸出。納之不盡。截去復戰。隋張定和虜刺之中頸。定和以草塞創而戰。神氣自若。虜遂敗。

○杜伏威

唐杜伏威與陳稜戰。射中伏威額。怒曰。不殺汝。箭不拔。馳入稜陣。獲所射將。使拔箭已。斬之。

○任城王

以下絕方

魏任城王章。善左右射。好擊劍。百步中於懸髮。樂聞國獻虎彪。文如錦斑。以鐵爲檻。號勇之徒。莫敢輕視。章更

虎尾以繞臂、虎弭無聲、時南越獻白象、章在帝前、手頓其鼻、象伏不動。

○桓石虔

晉桓石虔有材幹、超捷絕倫、隨父豁在荊州、於獵園中見猛獸被數箭而伏、諸督將素知其力、戲令拔箭、石虔因急往拔一箭、猛虎踞躍、石虔亦跳、高於猛獸、復拔一箭而歸、時人有患疾者、謂曰、桓石虔來以怖之、病者多愈。

○○羊侃

南史羊侃膂力絕人，所用弓至二十石，馬上用六石弓，嘗於兖州堯廟，蹋壁直上，至五尋，西橋有數石人，長八尺，大十圍，侃執以相擊，悉皆破碎。少時仕魏爲郎，以力聞。魏帝嘗謂曰：「郎官謂卿虎，豈羊質虎皮乎？」試作虎狀，侃因伏，以手扶殿檻，沒指。

○彭博通

唐河間人彭博通，曾於講堂階上臨階而立，取鞋一鞞，以臂夾，令有力者後拔之，鞋底中斷，彭脚終不移。牛駕車正走，彭倒曳車尾，却行數十步，曾遊瓜步江，有急風。

張帆彭提尾纔挽之不進。

元時攸縣張子雲者身長八九尺爲人担米肩各一石首戴五斗而行無窘步嘗臥石橋上其首去地數寸。

歐千斤洪武初京師列校也幼以膂力得名城中少年輩欲侮之歐乃脫衣以手挽起廊柱聚衣裾壓於柱下衆皆胎聘走避適西城入貢回回善蹠跌者自號鐵力漢朝廷募歐與較勝之卽日改授太倉衛百戶後雖老嘗乘馬過獨板橋馬蹠蹠不能行歐以右臂挾其馬高步而過人皆偉之。

驚忍部

部